



Community Living Toronto | Surrey Place Centre | Community Living Wkwemikong Anishinaabek

TIP SHEET

Wiini Kkendming Wiibwa Nsawbawnidsan

Aapji gwa maamiikwendiza wa binoojiinh gshkitwad wii naadmadzat wiigwaamesing wii-azhaat. Aabji gwa snagat wii kinoomowind binoojiinh wiigwaamens wii nikaasat. Aapji gwa aabdeg wii maamkwenmaa binoojiinh beangii gegoo kshkitwad.

Jibwa kinoomaawind binoojiinh wiigwaamens wii nikaazat nindan aabdeg ga gnoowamdanan:

- Daanzyaan na bengdwani gnigen gwa niishoa dbagiiswan
- Damnan na binoojiinh maagni biiwaabkoons
- Dbaajma na binoojiinh snaabaa'enik daanzyaan
- Nmadbi na binoojiinh wiigwaamens naagaaning
- Kina na gwa gwaya nisdowenmaan eshchigenit binoojiinh

Giishpin gwa nendman binoojiinh zhiitaat wii kinoomaawin wii nikaazat wiigwamens, miisa maanda geszhichgen wii gshkitoon wii kinoomowin binoojiinh.

ECKWA NGWADING ESHCHIGENG

a) Ga zhibiiyan pii waa maachtaa'in wii kinoo-

moowad binoojiinh zaakmoogamig waaji nikaazat. Aabdeg gegoo ga wiindmoowaa kina gwaya nyaagde'enmaat gda binoojiinhman. Ga wiindmoowaa ge gdabnooniinhim, ga maakbiian ge wii waamdang pii waa maatchtaad skoonwit zaakmoogamig wii nikaasad.

b) Bangi gwa gda gnaajwitoon zaakmoogamig, miznichgaanan miinwaa dadminwinan, maage gwa beshgendang gegwa gdaa toon zhe'e. Giishpin maanda zhichgewin, ooshmegwa da mnagnoowaamdang gdabnoojiinhim zaakmoogamig, mii dosh ji wenpanzit kinoomowin.

c) Kina gwa megwaa enaabjitoowin wii aanzyaapnenat binoojiinh ga toon zaakmoogamgoong. Mii manda gezhi k'kendang binoojiinh enaabdak zakmoogamig.

d) Naagning yaankoosjigaadeg binoojiinh enkaazat ga tamwaa binoojiinh jibwaa zegzit wii nikaazat zaakmoo naagan.

e) Gegoo memkaatch binoojiinh zaakmoo naagan nikaaske. Nishaa gwa gwii kchi nakiwdis. Ngooding dash gwe'eta gakinoomowaa binoojiinh waazhi nikaasat zaakmoo naagan.

f) Pabwaans ge gda tamwaa binoojiinh weweni gwanaa ji nmadbit zaakmoonaagning. Ooshme da wenpanzi wii miiziit binoojiinh giishpin nweptood kaadan. Pabwaans dash miinwaa daa nikaazan wii gziinjiit binoojiinh.

g) Biitoo miiknoodensan gegwa aabdek ga ayaanan. Gda bgidnaa gwa gniijaanis wii wenaamdang waa biiskang.

h) Gegoo getchi nendang binoojiinh gda miinaa jii maajiendang kendang nishinnig gaazhi gsh-kitmaat. Miijim gwa nishin nikaazang, bemgii gwanaa gshkitoom wii ninmoowin. Gegwa siigwa bgidnaake binoojiinh kina wii waamdang miijim, miigwa giishpin kina gezhi ndwe-endang awi miijim.

i) Ga zhibiiyan ezhi maajiishkaat binoojiinh kinoo-mowint. Zhibiiman ezhi maajiishkaat binoojiinh ga naadmaagwan wii k'kendaman waaji naad-moowat yaa'abi, biinish wii gshkitoot njike wii nikaazat zaakmoonaagan.

ECKWA NIIZHING ESHCHIGENG

a) Miiknoot ewenpanak wii nazhbijgaadeg ga biisk-oonaa binoojiinh.

b) Ga wiikji'aa binoojiinh niibna nbiish wii mnikwet, aabdek dash niibnanching da zhaa wi-igwaamensing. Aabdek gwa maanda wii zhich-geng wii skoowi'int binoojiinh. Kina gwa gegoo gani maakbiiaan, mii maanda gezhi k'kendman ezhi maajiishkat gda binoojii'im.

ECKWA NSING ESHCHIGENG

a) Ensa niimdana miinwaa mdaaswi shi naanan dbagaans, gnimaa ge maamnanaabmat binoojiinh wii ndwe'endang wii zhaat wiigwaamensing, ga maajiinaa wiigwaamensing. Mii maanda gezhi nsidwendang binoojiinh mwooshtoot wii zaa-kang maage wii miiziit, abdek wiigwaamensing jizhaat.

b) Aabdek gwa naasaap ganaagdoon eshchigeng ensa zhaat gwa wiigwaamensing binoojiinh.

Mii gnimaa maanda ge naagjigaadegba wii ki-noomowind binoojiinh:

1. Maada ga naa binoojiinh, "aambe wiigwaamensing"
2. Ga ni wiijiwaa dash binoojiinh wiigwaamensing ni zhaat.
3. Ni dgwashnan dash wiigwaamensing, ga wiindmoowaa, wii naazhbidoon miiknoot, miinwaa wii n'madbit naagning.
4. Ga bgidnaa binoojiinh wii n'madbit naagning gnigen gwa niishwa dbagaans.
5. Gegoo gda ninmoowaa waa damnat epiichi nmadbit naagning wii naadmaagwat wii mnanendang.

Giishpin gshkitoot binoojiinh wii zhaat naagning, ga maamiikwenmaa, miinwaa gdaa dbamoowaa. Miidash miinwass maanda ji zhichgein.

6. Gziidmehgan da nokaazan
7. Da naaniibwi, miidash jii niisbidoon bii-waabkoon
8. Da koobdoon biitoomiiknoot, miinwaa miiknoot
9. Da gziibiigninjii dash miinwaa
10. Ne'aab miinwaa da oonankii enakiipa

Giizhpin gshkitoosig binoojiinh wii ajaat naagning, ga wiindowaa baamaa pii miinwaa ji gjitooon.

c) Ga wiikjitoon jibwaa nikaasyin giigdoowin kinoomoowat binoojiinh wiigwaamens wii nikaazat. Ooshme gwa nishin naadmooiin binoojiinh, kinwaamjige meshkwat.

ECKWA NIIWING ESHCHIGENG: APII BINOJIIINH GSHKITOOD NIKAASAT WIIGWAMENS

Weweni dash gwa gshkitood binoojiinh wii nikaasat wiigwaamens, naangwadnang gweta nsaw-baawnidsad, mii jimachtangbe wii kinoomowin

Wiini Kkendming Wiibwa Nsawbawnidsan

wiibwaa nsawbaawnidsad epiit gwaang. Maanda aanin ge gjitwam ba wii kinoomoowat binoojiinh.

- Gegoo miinaake waa mnikwet gnigen gwa niisha dbagiiswaan jibwaa nbaat
- Naasaap pii ga nbe'aa
- Naasaap ga zhichge pii nbechge'in, miinwaa aabdek wiigwaamens da nikaasan jibwaa nbaat
- Wiigwaamensing ga maajiina gshki ghkwa-sit

Aabdeg gwa kamkwendaan, wiikaa ooshme gii kendaan wii nikaazat wiigwaamens wii miiziit pii.

ECKWA NAANING ESHCHIGENG: WEWENI MAAKBIIGENG EZHI MAAJIISHKAANG

Msinigan ga nikaazan wii k'kendman ezhi maaji-
ishkaat binoojiinh.